

Gvangjsih Minzcuz Bau

Cawjguen: Gvangsijh Bouxcuengh Swcigih Minzcuz Cunghgyau Swvu Veijyenzei

Cawjbanh: Gvangsijh Minzcuz Bause

Geiz neix 8 banj

广西民族报

Aenhauhokbanj: CN45-0036

B.2024

Nd.1 Ng.3

Liggaeuq gveijmaux nienz ndwen'it ngeihgouj

Geizsoq: Gungh daih 3604 geiz

Guekgya Cujisiz Siz Ginbingz Gangj Gij Vah Cukhoh Bimoq Ngeih Lingz Ngeih Seiq

国家主席习近平发表二〇二四年新年贺词

Sinhvazse Baekging 2023 nienz 12 nyied 31 hauh dien. Bimoq gaxgonq, Guekgya kujisiz Siz Ginbingz doenggyaq Cunghyangh Gvangjbo Densi Cungjdaiz caeuq vangjdoxlien, gangj le gij vah cukhoh bimoq ngeih lingz ngeih seiq nienz. Lajneix dwg daengx bien faenzcieng.

Caezgya ndei! Doenggeiq yiengz seng, geiqciet doxvuenh. Youq mwh gyaundeix coux moq biek gaeuq neix, gou youq Baekging coh caezgya naeuz hohfuk!

2023 nienz, raeuz haenqheiq buekguh, haenqrengz baenaj, ginggyaq le fwn rumz rwd ci, yawjraen le funghging gyaundeix, aeundaex le cingzci ndei. Caezgya geiq ndaej le daengx bi mbouj ngaih, hix doiq coglaeng miz saenqsim lai.

Yamqdin bi neix, raeuz byaij ndaej maenhwdwd. Fuengz bingh-raq bienq onjdinh, guek raeuz ginghci laebdaeb dauq coh ndei, hwnghat ndei saed baenaj. Aen diji canjnieb yendaiva engqgya caezcienz, buek canjnieb yienghmoq gauhdonh-va, cinwngzva, saekloegvaq ndeu doed hwnj riengjret. Ndaem haex "laebdaeb ngeihcib baez demsou", bya heu raemx saw cingzci engq ndei, saenqhwngh lajmbanj langhbaix yiengh moq. Doengbaek cienzmienh saenqhwngh raiz biencieng moq, Yungzanh Sinhgi guh ndaej hoengh-hwdhwd, Rangh Ginghci Cangz-gyangh rengzrwd, Yez Gangj Au Davanhgi daihdamj guh baenaj. Cungguk ginghci youq ndaw rumz-langh cangqheiq le aenndang, maenghsaed le ndoknyinz.

Yamqdin bi neix, raeuz byaij ndaej rengzrwd. Ginggyaq dingjmaenh mbouj bienq muzlien, gij doenghlig cauhoq, gij rengzhoengh hwnghat Cungguk bongh baenaj fofo. C919 aen feihgi hung saedyienh yinh hek, aen youzlunz hung gozcanj sawqhai baenz, cugranz saenzcou gwnzmbwn cieprengz, "fwnoucej" hauh ndaem daengz dieg cei daej. Huq guek ndaej vnzlai haenggyaez, soujgi moq gozcanj naemj cawx hoj cawx, heiqci nwnzyenz moq, lijdenciz, huq gvanghfuz hawj Cungguk cau dem-gya saekrongh moq. Cungguk baengh gij cingsaenz buekguh mbouj dingz haenqrengz bin, diegdieq cungj dwg gij dajcauh ngoenz ndei gvaq ngoenz.

Yamqdin bi neix, raeuz byaij ndaej cingsaenz gvaekgyaek. Cwnghz-

duh Dayinvei, Hangzcouh Yayinvei ndeiawj dangqmaz, gyoengq boux yindungyenz haenqrengz cau cingz-cik ndei. Ngoenzgyaj bae youz vnz lai vnz daih, denyengj hawciengz hoenghwdhwd, "cunhcau" "cunh-vanj" miz rengzhoengh lai, ndwen-ngoenz noix danq cugyamq baenz funghsang, gij heiq ndwenngoenz raeujrub, nyaengqfofo guhhong dau-fuk, yienh'ok gyoengqvunz gyaepgouz vuenyungz gyaundeix, hix langhbaix le aen Cungguk miz rengzhoengh lailai, nauhyied lailai ndeu.

Yamqdin bi neix, raeuz byaij ndaej engq miz daejheiq. Cungguk dwg aen guek hungmbwk ndeu, cienzswnj gij vwnzmingz hungmbwk. Youq doengh diegdeih neix, damoz hoenzngeu, Gyanghnanz fwn iq, cungj hawj vnz naemj raen lailai, maq-muengh bae caemz; Vangzhoz gouj baez ngutngeuj, Cangzgyangh bongh laehuhu, cungj hawj vnz gikdoengh raixcaix, gamjingz rimrwd. Gij rongh vwnzmingz Liengzcej, Wlijdouz, cienzswnj saw Gyazguj Yinhhih, gij dijbauj vwnzva Sanhsinghduih, cienzswnj faenzmeg Guekgya Banjbonj-guenj... Aen Cunghvaz hungmbwk, lizij baenzlawz gyaeraez, vwnzmingz baenzlawz hunggyangq, neix dwg gij giek gagsaeng, gij goek rengz raeuz.

Cungguk mboujdan hwnghat bonjfaenh, hix gaenxmaenx gotumj seiqgyaiq, rapdawz gij cwzyin guek hung. Raeuz banh baenz Cungguk—Cunghya Funghvei, Gaiq Daihsam "It Rangh It Loh" Gozci Doxgap Gauh-fungh Lundanz, baenzroix cawjciengz vaigyaux coux gyoengq bouxhek haj cou daeu. Gou hix cunzcam mbangj aen guekgya, camgya le mbangj aen hoih gozci, raen le haujai baengzyoux geq, bouxdoi moq, faenyengj Cungguk cawjcieng, gyalag caezgya doxrox. Saehseiq bienq lai, huzndei hwnghat dauqdaej dwg yaemlwd daeuz, doxgap caez hingz dauqdaej dwg dauhleix geng.

Gwnz roen baenaj, miz rumz miz fwn dwg cingqciengz. Mbangj giyez miz guenjguh atlig, mbangj vnzlai couhnieb, gvaqngoenz bungz hojnanz, mbangj deihfueg miz raemxdumh, rumzluengh, deihsaeng daengj swyenz caihaih, doenghgij neix gou cungj geiq ndaej. Caezgya mbouj lau fwnrumz, doxhang doxcoengh, najdoi deuy-nyx, gungroengz hojnanz, gou gamj-doengh raixcaix. Bouxgunaz gaenx



▲ Bimoq gaxgonq, Guekgya kujisiz Siz Ginbingz doenggyaq Cunghyangh Gvangjbo Densi Cungjdaiz caeuq vangjdoxlien, gangj le gij vah cukhoh bimoq ngeih lingz ngeih seiq. Giz Bungz ingj

guhong, gunghyinz ngaem gyaey buekguh, bouxcuahnib gamj buek gamj guh, gyoengq bing henho guekgya, gyoengqvunz gak hangz gak gyaic cungj buekguh, moix boux vnz bingzciengz cungj guh'ok le goeng-rengz mbouj bingzciengz! Bouxminz ciengxlwenx dwg gij ingbaengh cei hung raeuz hoenx hingz sojmiz hojnanz deuqnyex.

Bicog dwg Cungguk moq laeb-baenz 75 hopbi. Raeuz aeu dingj-maenh mbouj bienq doinyoengx yiengh yendaiva Cungguk, caezcingj, cinjdeng, cienzmienh gvancez aen leixniemh hwnghat moq, gyavaiq cauhaeb aen gwzgez hwnghat moq, doidoengh hwnghat ndei saed, dungj-couz ndei hwnghat caeuq ancienz. Aeu dingjmaenh onjdangq baenaj, baenaj aeu onj, laeb gonq buq laeng, gyamaenh caeuq demgiengz ginghci dauq swng coh yiengh ndei, saedyienh ginghci yinhhengz ndaej onj bae gya. Aeu cienzmienh haenjaeg gajgwz haicuengq, caen'itbough daezsaeng hwnghat saenqsim, demgiengz gij rengzhoengh ginghci, yungh rengz engq hung banh gyauyuz, hwnghat gohgi, ganq vnzcaiz. Aeu laebdaeb haenja-coengh Yanghgangj, Aumwnz fatok giindei bonjfaenh, youq engq ndei yungz haenja ndaw daihbuenz guekgya hwnghat baujmaenh ciengzgeiz hoenghvuengh onjdinh. Guekcoj doengjit dwg lizij bietyienz, beix-nuengx song hamq aeu dazfwngz caemh diuzsim, caezyungh gij mingz-

daeuz hungmbwk minzcuz fukhwng.

Aen moegbiu raeuz hungmbwk raixcaix, hix lauxsaed raixcaix, gangj liux bae couh dwg hawj bouxminz gvaq hwnj ndwenngoenz engq ndei. Ciengx son lwgnyez, bouxcoz couhnieb baenzvunz, bouxlaux ywbingh ciengx-laux, dwg saeh ndaw ranz hix dwg saeh guekgya, caezgya aeu caezcaemh roengzrengz, banh ndei doenghgij saeh neix. Seizneix, aenbiengz hwnghat vaiq lai, caezgya cungj nyaengq hong, guhhong gvaqngoenz atlig hung lai. Raeuz aeu cau gij heiqfaenh aen-biengz raeujrub huzndei, gya'gvangq gij hoenggan cauhoq bauyungz hoenghvuengh, cau gij diuzgen gvaqngoenz bienhleih sangjswd, hawj caezgya simcingz angqyangz, ciuhvunz mizyinx, loqsiengj baenz caen.

Seizneix, gwnz seiqgyaiq lijniz mbangj dieg hoenxcienq. Bouxminz Cungguk roxyiuj hozbingz dijbauj, raeuz nyienh caeuq daengx seiqgyaiq doxcaez, ngeix gij roenrongh vnz lajmbwn, naemj gij fukfaenh vnz lajmbwn, doidoengh cauhaeb aen minghyinh caezcaemh vnz lajmbwn, hwnghat aen seiqgyaiq engqgya gyaundeix.

Seizneix mwhneix, banhaemh daengnding daengloeg, ranzranz ronghsag. Hawj raeuz doxcaez, cuknyienh guekcoj mwnhoengh hwnghvuengh, seiqgyaiq hozbingz anningz! Cuknyienh caezgya daengx bi vuenyungz, sim swnh ndang cangq!

Gyo'mbaiq caezgya!